


Alkitab Sagan Kakanakan

Mengenal akan



Raja nang
Baik, Raja
nang Jahat



Panulis: Edward Hughes

Nang manggambar: Lazarus
Alastair Paterson

Nang manyusun: Ruth Klassen

Nang mangartikan: Lega Pitanatal Amiani;
Nadya Cristine Armelia br. Tumorang

Nang mamproduksi: Bible for Children
www.M1914.org

©2023 Bible for Children, Inc.

Ijin: Pian beisi hak sagan menciplak atawa mancetak kisah ni,
sapanjang kada hagan di juali lagi.




Ngini adalah hari nang manyadihakan sagan Manasye. Abahnya, Raja Hizkia hanyar haja mati. Wahini, Hanyar baumur dua walas tahun, Manasye harus manjadi raja atas umat Tuhan di Yehuda. Inya kada tahu salanjutnya, tapi Manasye pacangan manjadi raja selama 55 tahun. Manasye mambutuhkan pantolongan Tuhan hagan manjadi raja nang baik.



Tapi Manasye manulak Tuhan lawan malakuakan hal nang jahat Manasye mambangun altar-altar panyambahan barhala. Inya maulah patung lawan manampatakannya di kadiaman Tuhan nang kudus! Tuhan sudah barfirman ka Musa,

"Jangan maulah bagi ikam patung-patung. Jangan sujud manyambah ka inya


atauwa baribadah ka inya."



Manasye mamparaktekakan ramalan lawan ilmu sihir. Inya mamimpin rakyatnya manjahui Tuhan. Sang raja jua mambakar anak lakiannya sabagai kurban ka barhala. Katidaktaatan Manasye maulah Tuhan sarik banar.



Pas umatNya kada taat, Tuhan salalu mangijinakan buhannya hagan dihukum. Ngintu tajadi ka Manasye lawan urang-urang nang diparintahnya. Tuhan mambawa tantara Asyur manyarang buhannya. Manasye dirantai lawan dibawa ka Babel.





Marasaakan pandaritaan di Babel, Manasye marandahakan diri ka Tuhan, Allahnya. Inya marandahakan diri dihadapan Allah nini muyangnya lawan badua ka Inya. Kada ada lagi panyambahan ka barhala nang mati! Tapi pacangkah Tuhan nang hidup manjawab dua Manasye imbah samunyaan kajahatan nang diulah inya?



Ya! Tuhan mandangar dua raja
ngintu lawan mambawanya babulik
ka Yerusalem, lawan mamulihakan
kadudukannya sabagai raja.
Lawan Manasye maakui amun
TUHAN ngintu Allah.



Raja Manasye manjadi saurang nang hanyar.
Inya mangaluarakan samunyaan patung matan rumah
Tuhan lawan manjauhakan allah-allah asing lawan
barhala matan Yerusalem. Inya mambuangnya ka luar
kuta. Imbah ngintu inya mamarintahakan rakyatnya
hagan malayani TUHAN Allah Israel. Batapa
barubahnya Manasye!




Imbah Manasye mati, anaknya saurang, Amon, babulik manyambah barhala-barhala. Tapi inya kada marandahakan diri ka Tuhan kaya Manasye. Amon malakuakan dusa labih banyak lagi, pagawai-pagawainya mambunuh inya di rumahnya saurang. Inya mamarintah salama dua tahun.



Raja barikutnya, Yosia hanyar baumur dalapan tahun. Inya mamarintah selama 31 tahun lawan malakuakan napa nang bujur dipamandangan Tuhan. Inya mahancurakan samunyaan panyambahan palsu lawan samunyaan allah-allah palsu. Kanyataannya, Yosia maramukakan lawan manghancurakan samunyaan patung ngintu manjadi bubuk.



Raja Yosia nang baik jua mambarsihakan lawan mambaiki Rumah Tuhan. Pas ditumpukakan sampah saurang imam manamuakan Kitab Taurat Tuhan nang dibariakan lawan parantaraan Musa.



Pas sang raja mandangar
parkataan Taurat ngintu,
inya marabit pakaiannya.
Yosia tahu batapa
jahatnya nini muyangnya
dalam katidaktaatan
buhannya ka hukum Allah.




Saurang nabiah bangarang Hulda manyapaiakan pasan Tuhan ka Yosia. "Kaya inilah Firman Tuhan: Sasungguhnya Aku pacangan mandatangakan malapataka atas wadah ngini lawan atas panduduknya sagala kutu atas wadah ngini buhannya sudah maninggalakan Aku." Tapi ulih Yosia marandahakan diri lawan


taat, kutuk ngini kada pacangan tajadi sampai inya mati.



Tuhan manulung Yosia hagan mamimpin urang-urangnya supaya babulik ka Tuhan. Pas hari ngintu, samantara inya mamimpin umatnya dalam paparangan, pamanah-pamanah malukai Yosia lawan parah banar. Urang-urangnya mangangkutnya lawan karita cadangan ka Yerusalem disana inya mati. Saluruh Yehudi lawan Yerusalem bakabung ulih kamatiannya, lawan maulah nyanyian ratapan manganai

Raja Yosia nang baik.





Lawan sagara, karajaan ngintu baakhir. Tapi pas hari ngintu, saurang raja pacangan mamarintah lagi atas Israel.

NgaraNya adalah RAJA DIATAS SAGALA RAJA, LAWAN TUHAN DIATAS SAGALA TUHAN. Pas

Yesus Kristus datang partama kali, inya ditulak lawan disalibakan. Pas Yesus Kristus datang lagi, Inya kada pacangan manjadi Raja atas Israel, tapi atas saluruh bumi.



Raja nang Baik, Raja nang Jahat

Sabuting kisah matan Firman Tuhan, Alkitab

Taulih dalam

2 Tawarikh 33-36

"Amun tabuka, firman-firmanPian mambari
pamahaman." Mazmur 119:130



Tunting



Kisah Alkitab ni memadah akan sagan kita kaya apa Allah kita nang Hebat tu, sudah mancipta akan kita ni lawan kita handak mambari pengartian mengenal Inya (Tuhan) labih dalam lagi.

Allah tu tahu, pa bila kita ni beulah hal nang kada baik, yang Inya (Tuhan) sambat sabagai dosa. Hukum dosa tu maut, tapi Allah ni sayang banar lawan kita. Inya (Bapa) mangirim akan anakNya, Yesus, sagan mati di kayu salib lawan di hukum oleh dosa-dosa kita. Imbah tu Yesus tu hidup lagi, habis tu tulak ka surga! Pa bila buhan pian percaya dengan Yesus, lawan minta inya ma'ampuni dosa-dosa buhan pian dengan ulun, Inya (Tuhan) menggawinya! Inya (Tuhan) handak datang lawan tinggal di dalam hidup buhan pian berataan, habis tu ulun & buhan pian akan hiduo beimbai Inya (Tuhan) salawasan.

Jaka buhan pian handak babulik dari dosa-dosa pian, pander ja kaya ini ke Tuhan: Allah nang hebat, ulun percaya kalo nya Yesus sudah mati sagan kita, lawan wayah ni hidup lagi. Tamui ja dalam hidup kita, lawan ampuni dosa-dosa ulun, biar ulun bisa beisi hidup nang hanyar wayah ni, lawan suatu saat kena tulak beimbaian dengan Tuhan selawasnya. Tolongi ulun sagan hidup gasan Tuhan sbagai anak Mu (Tuhan) amin.

Bacai Alkitab lawan bepanderan dengan Tuhan
satiap hari! Yohanes 3:19

